

ALAMAT NG BAYABAS

Isang hari noon na nagngangalang Haring Barabas na ubod ng sungit at napakabihirang tumulong sa mga taong lumalapit at humihingi ng tulong sa kanya. Nag iisa lang sa buhay ang hari at wala siyang pamilya. Laging masasarap na pagkain ang nasa hapag kainan niya, ngunit ni hindi niya man lang mabiyayaan ang mga nagugutom. Minsan, may pulubing babae na nanghihingi ng pagkain sa kanya, ngunit ayaw itong bigyan ng maramot na hari , kung kaya't ang mga mumok at mga tira tira niya ang pinagtyagaang pulutin at kainin ng pulubi.

Hindi nagtagal ay nagkasakit siya, at nalagutan ng buhay. Ngunit ni wala man lamang nakipag libing sa kanya kundi ang kanyang mga katulong sa palasyo.

Lumipas ang mga araw, may napansing kakaibang halaman na tumutubo sa puntod kung saan nakahimlay ang hari. At nagbunga ang punong ito ng bilog na bunga na kung saan ay napansin ng kanyang dating mga kasambahay na tila may korona ang prutas. Maasim ito kapag medyo hilaw pa, sumisimbolo ng asim ng pag uugali ng hari ng ito'y nabubuhay pa. At ang prutas na ito ay tinawag ng mga taong bayabas, ang alaala ni Haring Barabas.

Mga Tanong:

1. Ano ang hindi magandang pag- uugali ng hari sa kuwento?
2. Bakit kaya walang nakipaglibing sa hari nang siya ay namatay?
3. Saan tumubo ang kakaibang halaman na nagbunga ng bilog na prutas?
4. Bakit bayabas ang ipinangalan sa kakaibang halamang tumubo sa puntod kung saan nakahimlay ang labi ng hari?
5. Ano ang isinisimbolo ang maasim na lasa ng prutas na ito?

Ang Alamat ng BAYABAS

